


有部毘奈耶

才五

三百五
棠五

49910



佛
 日
 增
 輝
 佛
 指
 山
 城
 州
 天
 女
 寺
 法
 金
 剛
 院
 置

佛
 指
 山
 城
 州
 天
 女
 寺
 法
 金
 剛
 院
 置

根本說一切有部毗奈耶卷第五

崇

唐三藏法師 義淨奉 制譯

不與取學處第二之四

今時薄伽梵在室羅伐城逝多林給孤獨園
有二苾芻一名蘇師牟二名婆蘇達多共為
知友情義相順時蘇師牟有好大鉢婆蘇達
多有好小鉢彼於異時俱並食訖一處洗鉢
時蘇師牟取婆蘇達多小鉢安大鉢中一作如
是語具壽婆蘇達多若人有此二鉢足得省
緣修諸善品婆蘇達多曰汝若欲得何不取
之時婆蘇達多於一聚落有少緣事語蘇師
牟曰具壽我於某處有小緣事有能為我辦

是事者我持小鉢與之問曰汝言實不荅曰
實與時蘇師牟聞此言已便欲為去覆生悔
念勿由此緣令同梵行者作如是說蘇師牟
與他客作遂不復行時蘇師牟於彼聚落有
緣須去遂作是念我為自身并辦彼緣斯亦
佳矣即便往彼了其二事還告婆蘇達多曰
汝彼聚落所有營務我已為辦宜授小鉢婆
蘇達多曰汝自緣去非為於我我之小鉢誰
能與汝蘇師牟曰汝不與者我當自取婆蘇
達多曰汝若合得何不取之時婆蘇達多有
緣出外蘇師牟即取小鉢安已鉢中婆蘇達
多歸不見鉢問言具壽誰將我小鉢去蘇師

牟曰是物主將去婆蘇達多曰是誰之物曰
是我物婆蘇達多怒曰汝賊心取得波羅市
迦蘇師牟聞已追悔即以此緣告諸苾芻諸
苾芻白佛佛問蘇師牟汝以何心取他小鉢
具以白佛佛言此苾芻作已物心取鉢無犯
然諸苾芻不應受雇與他作務若博換作業
及求福作無犯苾芻受雇作務者得越法罪
佛在室羅伐城逝多林給孤獨園時此城中
有二苾芻一名難勝一名月護共結親友言
談得意其月護衆所識知有大福德多足衣
鉢鉢絡罽條難勝少有知識但畜三衣而復
破弊有餘苾芻告言具壽汝今何故少欲著

此破衣不能覆體為有而不著為無可得耶
難勝荅曰我無得處告曰何不乞求荅曰誰
肯捨三寶聖眾施我凡人彼便告曰月護苾
芻是汝親友言談得意多有衣鉢鉢絡罽條
何不從乞難勝曰彼不肯與告曰汝先從彼
乞求未難勝曰聞彼慳慔我不從乞告曰豈
涉度者遙聞水聲便脫靴履汝但往乞或當
見與既聞勸已往月護所告言具壽當施我
鉢月護報曰我不相與難勝曰不與我鉢可
與我僧伽肱月護曰我豈是汝守庫藏人索
鉢不得又覓大衣乃至少縷尚不相與況復
衣耶時難勝聞已心生忿怒曰彼有作務我

常爲先何故我今從乞云不與縷若我不能
揔奪彼物者我即不名爲難勝也從此作意
欲取其物遂見月護自染衣服難勝至其所
告言具壽我今亦欲助汝染衣彼言甚善當
助我作難勝爲彼染衣摩拉翻覆觀察其衣
月護見已便作是念看彼意趣翻覆我衣子
細觀察必定有心偷我衣去旣起疑心染衣
乾已置衣袋中枕頭而卧是諸苾芻初夜後
夜警覺思惟作意而住是時難勝告月護曰
我等俱行共修善品月護報曰汝且前去我
身疲倦隨後當行彼聞便去是時月護便作
是念我若去者必當失衣我若不去闕修善

品作何方便得不失衣復修善業即以白衣
袋安彼頭邊持彼衣囊枕頭而卧時彼難勝
既作業已還來偃息是時月護告難勝曰具
壽可起共修善品答曰我已作了疲勞暫息
汝當起作月護便去難勝念曰我且觀時堪
得行未時既將曉於彼頭邊取其衣袋出門
而去便作是念我試觀察是何色衣令我犯
波羅市迦耶開袋乃見便是自己破弊故衣
遂生憂惱作如是念我為白衣犯他勝罪非
出家行當噉鐵丸復作是念我今且往問佛
世尊若堪住者於世尊所修其梵行若不堪
者當作白衣作是念已往世尊所是時世尊

於彼無量百千苾芻衆中而爲說法。今時世尊遙見難勝來告諸苾芻曰：汝等見彼苾芻從外來，不白言已見佛，言此癡人難勝盜取已衣，得宰吐羅底也。告諸苾芻：汝等當知，若盜心取，有此過失，是故苾芻雖已衣鉢，不應以盜心取。若盜取者，得宰吐羅底罪也。

佛在室羅伐城逝多林給孤獨園時，二苾芻一住東房，一住南方，其東方苾芻居前，行南方，苾芻居從後。是二苾芻居俱詣佛所禮佛足，已在一面坐。佛爲說法，彼聞法已禮佛而退。時東方居在前而去，以僧伽肱置在肩上。其衣欲墮，南方居見告言：聖者衣欲墮時，東

方厓前行思法復爲方言有異不相領解不覺衣墮時南方厓便取其衣作如是念今若與者妨彼專思待到住處我當授與既到住處時東方厓遂於房外疾洗足已便入房中半跏而坐時南方厓復作是念若我今時與彼衣者還復同前廢修善品待出定已當付

其衣遂於己房置衣架上時東方厓至且告弟子曰將我僧伽肱來我欲乞食弟子入房徧觀架上不見師衣還白言聖者不見僧伽肱師曰可詣南方厓處求覓弟子至彼房中見僧伽肱在衣架上問曰誰將衣來置此架上南方厓曰是我將來弟子曰何故將來以

事具荅時彼弟子與南方厓先有嫌隙怒而告曰汝以賊心偷此衣來置己房內汝得波羅市迦時南房厓即作是念豈非我實犯波羅市迦耶具以此緣告諸苾芻厓厓白苾芻衆苾芻白佛佛問南方厓曰汝取衣時可不告彼白佛言我雖言告彼不領解佛言方言有異不相領解者無犯然此過失皆由拾得他物久不還主而自貯畜由此緣故若苾芻苾芻厓拾得遺落衣物不應久持若久持者得越法罪時有苾芻見他遺物知是某甲苾芻許便詣彼房扣門而喚彼便出定告曰是誰荅曰具壽我於某處拾得汝衣汝可領取

時彼告言具壽寧我此衣被賊將去豈緣此
故令汝扣門驚我勝定時彼苾芻便生追悔
作如是念豈非我今驚彼靜慮而獲罪耶以
此因緣告諸苾芻諸苾芻白佛佛言彼苾芻
無犯然諸苾芻不為小緣起他勝定若得遺
物將詣主邊以繩懸置令後取得勿驚寂定
若異此者得越法罪時有苾芻見他遺物識
知是某甲苾芻許便持此物詣彼苾芻告言
具壽此是汝物我拾得來汝當領取時彼物
主與此苾芻先有嫌隙告言非汝拾得故作
賊心偷盜我物汝可依法而說其罪時彼苾
芻心生追悔非我緣此而獲罪耶以此因緣

告諸苾芻諸苾芻白佛佛言此苾芻無犯然
諸苾芻得他遺物應可持付知僧事人其知
事人得此物已於數日中應可再三以物白
衆本主索者可即將還若無認者入四方僧
隨衆受用若異此者得越法罪
攝頌曰

世羅尼弟子

試他從乞油

目連作神通

收還長者子

畢隣陀婆蹉

取見并護物

廣叙其盜事

隨說可應知

佛在室羅伐城逝多林給孤獨園時有阿羅
漢苾芻尼名曰世羅斷諸煩惱時有賣香童
子見世羅尼深生敬重往就其所殷勤致禮

白言聖者所湏之物於我家中皆隨意取所
有言教我皆頂受時苾芻尼告曰賢首善哉
願汝無病後於異時世羅苾芻尼身嬰重病
不能乞食有餘苾芻尼巡行乞食時賣香童
子見而致禮問言聖者世羅苾芻尼何因不
見報言賢首彼身染患童子告曰聖者我先
白言若有所湏隨意取用曾不見來從我求
覓彼有所湏願尊為取彼便報曰如是賢首
願汝無病作是語已捨之而去如是乃至三
返懇懃請與時有年少苾芻尼便生是念我
屢聞此童子所言我宜試之為虛為實便持
小鉢授與童子告言賢首聖者世羅今湏少

油時彼童子有新壓油盛滿小鉢授與彼尼
告言聖者更有所須隨意來取時苾芻尼受
已而去即以此油塗世羅身徧及手足油並
罄盡世羅病愈便行乞食時彼童子見便禮
足白言聖者久不相見尼便報曰我比嬰患
白言聖者先已言請若有所須於我家中皆
隨意取曾不遣信從我求覓惟見一尼去聖
者患從我取油我以新油盛滿小鉢持付彼
尼世羅報曰善哉童子願汝無病言畢而去
次第乞已還本任處告諸少尼曰是誰就彼
賣香童子持油鉢來有尼報言聖者我行乞
食見彼童子再三告我聖者世羅我已言請

若有所須皆隨意取曾不見來從我求索若
彼世羅有所須者願為持去我便生念應可
試之驗其虛實即持小鉢授與童子告曰聖
者世羅今患須油時彼童子盛滿新油而授
與我我得油已將至房中而為聖者塗身手
足尋皆用盡時世羅反告少反曰我曾令汝
就彼童子取覓油不少反答曰不曾使我時
有餘苾芻反與此少反先有嫌隙聞此語已
告世羅曰聖者今此少反緣仁疾苦豈但一
處擅取於油室羅伐城徧皆求乞他勝之罪
其數難知時少反聞此語已生追悔心豈我
實犯他勝罪耶以此因緣白諸苾芻反諸苾

芻尼白苾芻衆諸苾芻白佛佛問彼少尼曰
汝以何心從彼乞油白佛言我於童子而起
試心佛告苾芻若作試心此苾芻尼無犯然
諸苾芻苾芻尼不問病者不應為乞若乞取
時問病者曰為向衆僧養病堂處而求藥耶
為詣信心及親族處若親族多者於誰處求
隨所指示應為求覓若苾芻苾芻尼不問病
人而為乞求者得越法罪

佛在室羅伐城逝多林給孤獨園是時具壽
大目軋連於日初分執持衣鉢入室羅伐城
次第乞食至給孤獨長者宅是時長者教其
兒子讀誦外典聲明雜論時大目軋連見彼

長者教其兒息讀誦外典告曰長者此諸童子讀習何書長者白言阿離耶此是外典告言長者夫外典者如鐵石榴辛苦作得終不堪食習學外書亦復如是徒費功勞終無所獲不由此故而能出離入正定聚斷諸煩惱然佛所說初中後善若解了者能趣涅槃何意不教習讀佛法長者白言聖者無人能教尊者報曰我當教讀長者白言善哉聖者幸為教示便告子曰汝今宜往逝多林中詣尊者處而學佛法童子唯然受教時彼長者於日中與其童子纓絡嚴身并諸侍從往給孤園中聖者目連處受學佛法然其國內於秋

初時常有迦栗底迦賊當諸苾芻夏安居竟時諸秋賊共相議曰我與汝等欲作何業於此年中不假劬勞豐足衣食安樂受用我聞給孤獨長者於日日中常令兒子身具瓔珞往給孤園內詣聖者目連處受學佛法可於中路共劫取之聖者謂子在長者宅長者謂兒在聖者處各不相知未即求覓我等若能偷得是兒當盡形壽為我僕使如不得者取其瓔珞嚴身之具我緣此故不假劬勞得受安樂共為計已即於中路而待童子見具瓔珞欲往園中遂便共劫童子時彼從者見賊將去奔走歸舍告長者曰受業童子被秋賊劫

將是時長者即便急往勝光王所白言大王
我子被秋賊劫去今從大王欲乞此子時王
聞已勅毗盧宅加曰汝宜急去擒捕秋賊覓
長者子時毗盧宅加與給孤獨長者先有嫌
隙雖奉王教未爲急行時有一天於聖者大
目連處深生敬重白言聖者知不仁之弟子

被秋賊將去可爲急計時大目連便作是念
此之童兒我若不救子與父母皆生離苦不
敬信人聞而心悅其敬信者或生退轉往來
之者被賊將去誰復更肯入逝多林我今宜
可速現神力取彼童兒作是念已聖者目連
現大神通化作毗盧宅加軍衆於其四方擊

大戰鼓時彼秋賊忽見軍圍悉皆驚怖作如
是言仁等當知毗盧宅加與諸軍士四面圍
合當棄小兒免被囚執即棄童子逃走而去
是時聖者大目軋連遂攝神力於其路側宴
坐樹下時彼童子隨路而來問言童子汝何
處來白言聖者我被秋賊將去誰奪汝來是
毗盧宅加報言童子可急歸舍汝之父母極
生憂惱明日可來依舊受業是時童子受教
而歸時毗盧宅加嚴整四軍象馬車步出室
羅伐城見彼童子問曰汝何處來荅言我向
逝多林於其中路遭秋賊劫去誰取汝來報
言是毗盧宅加將軍毗盧宅加便作是念我

始欲去云何而言是我取來豈非別有大德
聖者具諸威力取是兒來問童子曰介於彼
處見有何人童子荅言我於路側見聖者大
目軋連毗盧宅加念曰是彼大德神力取來
餘無能者如是知已心生歡喜高聲唱言我
等今者快得善利於我國中得有如是大智
聖者具諸威力於現法中及未來世諸漏永
盡作斯讚歎還室羅伐城時六衆苾芻因事
出城於路逢見而問之曰仁讚歎誰荅曰歎
仁聖衆我等何事今仁讚歎荅曰給孤獨長
者子被秋賊將去聖者大目軋連以神通力
奪其子來六衆報曰汝愚癡人我輩雖有如

是神力人不敬信然有於彼拔駮癡人露形
外道心生敬愛若彼露形見此事者為彼秋
賊指其出路毗盧宅加聞已默然是時六衆
苾芻難陀鄔波難陀共相謂曰我等且已善
答其事然少欲者今現犯罪我等往彼令其
悔過便還往處飯食已訖詣聖者目連所先
致敬已白言上座願見容許欲有詰問報言
隨意白言上座給孤獨長者子被秋賊將去
仁奪將來其事虛實報言是我將來白言我
先具知上座已住靜慮受解脫樂我實不知
雖有慈悲而不能普於弟子處愍念將來於
彼秋賊今生恐怖又他所攝物強奪令歸仁

今犯罪可如法悔答言具壽我不見罪是時
六衆等相議曰仁等當知如世尊說不見罪
者當與此人作捨置羯磨便往至彼知事人
所報言具壽應鳴犍稚今欲作捨置羯磨授
事問曰所作爲誰報言有少欲者實自犯罪
而不悔過我今爲彼作捨置事尔時身子爲
衆之首告授事人曰無令有人於最勝法中
欲作衰損又問言具壽與誰作徧住法或覆
本徧住意喜出罪答言更無別事但爲聖者
大目連犯罪不見欲作捨置羯磨身子報曰
具壽勿以小緣見惱者德然薄伽梵是一切
智見於無上智境得大自在能斷他疑汝可

諮問如佛所教我當奉持時諸苾芻以事白
佛佛知時而問廣如上說今時佛告大目連
曰汝以何心現神通力取彼童子是時目連
以事白佛佛告諸苾芻目連苾芻作如是心
現神力者無犯

佛在王舍城竹林園中時具壽畢隣陀婆蹉
外甥於其舍中習讀外典時畢隣陀婆蹉於
日初分執持衣鉢入王舍城次第乞食至妹
夫舍見兒學業問妹夫曰此兒讀者是何書
論荅言外典尊者令棄外學勸習佛經便為
妹夫親教兒子廣說如上乃至具諸瓔珞往
竹林中被秋賊劫將安置船中以流欲去時

從彼者見賊將去奔走歸舍白大家曰受業
童子被秋賊劫去時彼妹夫即便急往影勝
王所白言大王我子被秋賊劫去今從大王
乞子時王勅彼未生怨曰汝宜急去掩捕秋
賊覓婆羅門子時未生怨與婆羅門先有嫌
隙雖奉王教未為急去時有天女於聖者畢
隣隨婆蹉處深生敬重白言聖者知不仁之
外甥被秋賊將去畢隣隨婆蹉便作是念此
之外甥我不救者子與父母各生離苦不敬
信人聞而心悅其敬信者或生追悔往來之
者被賊將去誰復更肯入竹林中我今宜可
現神通力作是念已聖者以神通力到彼船

邊令彼賊船不能得去時彼秋賊作如是念
何意我船不復前進而於岸邊見聖者畢隣
陀婆蹉佇立而望時賊告曰聖者何因惱我
報曰汝以惡法而惱於我非我惱汝若我不
證如是聖法婆羅門子永被將去賊言聖者
我放此見任意收取即令上岸是時聖者遂
攝神力告外甥曰汝可速歸見汝父母明當
受業童子於路逢未生怨嚴整四軍出王舍
城路見童子問曰汝何處來答言我向竹林
於其中路被賊劫去誰取汝來答言是我舅
畢隣陀婆蹉時未生怨心生歡喜高聲唱言
我等今者快得善利於我國中得有如是太

智聖者具諸威力於現法中及未來世諸漏
永盡作是讚歎還王舍城時六衆苾芻因事
出城於路逢見而問之曰仁讚歎誰荅曰歎
仁聖衆我等何事仁今讚歎荅言婆羅門子
往竹林中被賊將去聖者畢隣陀婆蹉以神
通力奪得其子六衆報曰汝愚癡人我輩雖
有如是神力人不敬信然有拔髮癡人露形
外道反更於彼心生敬信若彼露形見此事
者爲彼秋賊指其出路時未生怨默然無對
時六衆苾芻難陀鄔波難陀自相謂言我等
且已善荅其事然少欲者今現犯罪我等往
彼令其悔過便還住處飯食已訖隨次致敬

已詣聖者畢隣陀婆蹉所白言上座願見容
許欲有詰問報言隨意婆羅門子被秋賊將
去仁奪將來其事虛實報言是實我取將來
白言我先具知上座已住靜慮解脫勝樂我
實不知有慈不徧於親族處愍念將來於彼
秋賊心生不忍又他所攝物強奪將來仁既
犯罪可如法悔荅言具壽我不見罪是時六
衆牙相議曰仁等當知如世尊說不見罪者
當與此人作捨置羯磨授事者誰可鳴犍稚
應為此人作捨置羯磨便往至彼授事人所
報言具壽應鳴犍稚授事問曰所為何事報
言為少欲者實有犯罪而不悔過我欲為彼

作捨置事。尔時身子爲衆上座觀察其事。可不之宜。告授事人曰。具壽與誰作徧住法。或覆本徧住法。意喜出罪。荅言。更無別事。但爲聖者。畢隣陀婆蹉犯罪不見。與作捨置羯磨身子報曰。具壽勿以小緣惱亂耆德。然薄伽梵是一切智見於無上智境。得大自在。能斷他疑。汝可諮問。如佛所教我。當奉行時。諸苾芻以事白佛。佛知時而問。廣如上說。尔時佛告畢隣陀婆蹉曰。汝以何心現神通力。取婆羅門子時。畢隣陀婆蹉具以其事白佛。佛告諸苾芻。畢隣陀婆蹉若作此心現神力者。無犯。佛在王舍城羯蘭鐸迦池竹林園中時。頻毗

娑羅王常法每日恒往禮世尊足并諸大德
上座苾芻曾於一時禮佛足已在一面坐聽
佛說法時佛爲彼頻毗娑羅說衆法要示教
利喜王聞法已禮佛而去便往詣彼具壽畢
隣陀婆蹉住處時畢隣陀婆蹉於所住房有
破壞處躬自修葺遙見王來便洒手足至常
坐處整容而坐王前禮足在一面坐白言聖
者何自執勞荅言大王夫出家者皆自執務
我旣出家欲令誰作王言若如是者我爲聖
者供給事人白言大王願王無病長壽如是
乃至五返皆如上白我爲聖者供給事人時
具壽畢隣陀婆蹉有一弟子爲性質直便白

王曰自從大王許親教師供給事者若我本
師依大王言捨不修理所有房舍皆已破壞
王便報曰聖者豈我已曾許給事人耶白言
大王非惟一度如是至五王國事繁忘不能
記王之常法但有出言臣必書記問記事人
曰我實曾許給事人耶荅言實尔已經五返
若如是者當合罰我我今應與五百淨人以
充給事便告大臣曰宜給聖者五百使人時
畢隣陀婆蹉而白王曰大王我緣出家揔捨
給事今得使者欲何所為白言聖者為僧衆
事當可受之若如王言我當白佛王言聖者
可往白佛時畢隣陀婆蹉以事白佛佛言若

為僧衆當可受之時畢隣施婆蹉奉教而受
時給侍人雖施入僧未蠲王役是諸人等白
聖者曰我等初聞作僧給侍心實歡喜豈謂
一身備遭兩役報言賢首汝等勿慮我當為
汝白大王知後於異時影勝王詣聖者所頂
禮足已在一面坐是時尊者白言大王前所
施僧給侍人等豈復大王生追悔耶王言聖
者我實曾無追悔之念又白王曰何意諸人
未免王役王於今時勅大臣曰我施聖者給
侍之人既捨入僧可免王役大臣奉教即皆
放免彼於異時國家興造須人作使大臣追
喚莫有來者不施僧人亦皆妄說是給侍人

是時大臣以事白王緣有役使追喚不來皆云我是僧家給使王曰若如是者可悉如舊令充王役從此已後先所施者並充王使其所施人詣尊者所白言我等還充國家可爲我等重白大王聖者爲白所給侍人令免追悔王曰何意白言給侍人還充王役王言聖者但有官役咸言我是僧給侍人令事有關唯願聖者可爲別作淨人之坊簡異其人無令雜亂聖者報王我當白佛王言可令時畢隣阨婆蹉以事白佛佛言我今聽許造淨人坊時諸苾芻不知何處應造佛言王城精舍於此中間聞喚聲處當可造立時諸苾芻受

佛教已往白大臣今於此處奉世尊教造淨
人坊是時大臣便白王知王言隨佛所教大
臣徧告諸淨人曰僧今爲汝別造住處汝等
今可揔就被作淨人聞已即往其處共造住
坊安置已訖是時淨人常住竹林充僧給使
時苾芻衆告諸人曰清淨之業應可作之不

清淨事皆不應作由作淨業故曰淨人若防
護住處名守僧園人彼清淨人及守僧園人
每日皆往竹林中誼亂苾芻妨修行業諸苾
芻白佛告諸苾芻勿令恒集有事應喚若
無使役令住本坊時諸苾芻又白佛言彼諸
淨人所須衣食如何給濟佛言爲僧使者可

給衣食不驅使者勿與衣食有老病者可給
衣食并諸藥餌後於異時鄔波難隨次知僧
事告諸淨人曰賢首我是知僧事人汝等明
旦早來入寺余時王舍城內於諸苾芻夏安
居竟常有迦粟底迦賊此諸秋賊共相議曰
我與汝等欲作何業不假劬勞於此年中豐
足衣食受用安樂彼秋賊中有一作人曾被
苾芻驅使語知僧事告諸賊曰竹林園處有
淨人坊多有財物共往劫取於此年中我等
豐樂一賊告曰彼諸苾芻是淨人主巡門乞
匄尚不充軀況此淨人得有財物其賊報曰
汝等不知諸苾芻等雖常乞食惠施者多復

自經求計其財物王舍城人亦不能及況諸
淨人豈無衣物是時群賊僉議已定即於其
夜詣淨人坊欲劫其物時有天人於聖者畢
隣陀婆蹉處深生敬信往白聖者曰有諸秋
賊劫彼淨人聖者慈悲願爲救護時畢隣陀
婆蹉便作是念我不救者令彼淨人心生愁
苦廣說如上我今宜可現神通力作是念已
於淨人坊化作鐵牆周匝圍遶是時賊徒持
所盜物欲出其坊但見鐵牆堅無出路心生
惶怖棄所盜物於須臾頃不見鐵牆是時賊
徒還持盜物所化鐵牆忽然復現如是至七
賊相謂曰汝等知不必有聖者具大威德護

斯物故現此神通我應棄物急共逃竄時賊以物聚之一處悉皆奔走淨人覺已競共誼聲唱言被賊彼既失財共生憂惱徧達住坊求覓其物遂見衣物聚在一處便生歡喜即持其物各還舍中守護而卧是時彼天於其夢中告諸人曰汝等不被秋賊之所劫盜皆是聖者畢隣陔婆蹉神力所致既至天明共相謂曰我等免失財物皆是聖者恩力更無餘人能起慈念我等宜應略伸供養咸共洒沐著鮮白衣塗飾香鬘持供養物詣竹林中時鄔波難陔晨朝起已執持鎖鑰欲開寺門屏除燈燭塗掃堂宇敷設座席於窣堵波香

華供養陞上閣鳴犍稚四顧而望遙見諸人
著鮮白衣香鬘莊飾鄔波難陀便生是念彼
諸來者是何居士賁主富人晨朝至此既近
門已知是淨人鄔波難陀便生瞋怒遙告之
曰我未令汝晨旦早來何因至此淨人白曰
聖者我等昨夜若無聖者畢隣陀婆蹉慈悲
護念我等財物被賊偷盡鄔波難陀告淨人
曰汝恃彼力競騁誼譁我為彼人作治罰法
作是語已便呼六衆共詣聖者畢隣陀婆蹉
所白言上座願見容許欲有詰問荅言隨意
白言於淨人坊所有財物被賊偷去神力奪
留是事虛實荅言實余白言我先知上座已

住靜慮解脫勝樂然我不知雖有慈悲不能
普及於淨人所愍而護念於秋賊處圍以鐵
牆又他已攝物強奪而留仁既犯罪可如法
悔廣說如上乃至鳴椎欲為捨置上座舍利
子令其審察諸苾芻白佛佛告畢隣陀婆蹉
曰汝以何心現神通力留淨人物畢隣陀婆
蹉具以事白佛佛告諸苾芻畢隣陀婆蹉若
作此心現神力者無犯又無犯者最初未制
戒癡狂心亂痛惱所纏不與取學處了

根本說一切有部毗奈耶卷第五

棠

雇音故靴鞞

兄迦反

扱亡粉反

隙丘逆反

扣苦候反

蹉

十 何 嬰 一 仍 屢 力 句 壓 音 劬 音 宴 於 見 詰 一 丘

反 夕 甥 音 生 公 緣 音 茸 反 七 入 蠲 反 俱 玄 餽 反 人 志 僉 反 七 廉

竄 反 簾 筭 鑰 藥 屏 餅 音 萃 堵 下 音 斲 沒 反 騁 反 丑 領 誼

諱 宣 花 字 音 捷 稚 直 上 音 利 反 下 音 覩



